



অবিলম্বে প্রকাশের উদ্দেশ্যে: 5/3/2023

গভর্নর ক্যাথি হোকল

গভর্নর হোকল 2024 অর্থবছরের বাজেটের অংশ হিসেবে গর্ভপাত সুরক্ষা ও উপলভ্যতা বর্ধিত করতে মুখ্য ব্যবস্থার ঘোষণা করলেন

*গর্ভপাত সেবাসন্ধানী নারীদের ব্যক্তিগত ডেটার সুরক্ষা প্রণয়ন*

*প্রজনন সংক্রান্ত স্বাস্থ্য চিকিৎসা সেবার জন্য মেডিকেইডের ব্যয়পূরণ হার বৃদ্ধি*

*গর্ভপাতের জন্য অফ-লেবেল প্রেসক্রাইব করা হলে ওষুধের মাধ্যমে গর্ভপাতকে বেসরকারি বীমাকারীদের আওতাধীন করা আবশ্যিক করে ব্যবস্থা অন্তর্ভুক্ত*

*গর্ভপাত সেবাদানকারী এবং প্রজনন সংক্রান্ত স্বাস্থ্যসেবার সমর্থনে 100.7 মিলিয়ন মার্কিন ডলার নতুন তহবিল*

গভর্নর ক্যাথি হোকল আজকে ঘোষণা করলেন যে গর্ভপাতের সুযোগ রক্ষা করতে এবং গর্ভপাত সেবাসন্ধানী সকলের জন্য নিউ ইয়র্কের নিরাপদ আশ্রয় হিসেবে পরিচিতিতে পাকাপোক্ত করতে 2024 অর্থবছরের বাজেটে মুখ্য ব্যবস্থা গ্রহণ করা হবে। নিউ ইয়র্কের গর্ভপাত পাওয়ার সুযোগ বৃদ্ধি করতে বাজেট মেডিকেইড ব্যয়পূরণের হার বৃদ্ধি করে, প্রজনন সংক্রান্ত স্বাস্থ্য সেবাসন্ধানী রোগীদের ডেটার জন্য অতিরিক্ত সুরক্ষা প্রণয়ন, গর্ভপাতের জন্য অফ-লেবেল প্রেসক্রাইব করা হলে ওষুধের মাধ্যমে গর্ভপাতকে বেসরকারি বীমাকারীদের আওতাধীন করা আবশ্যিক করে ব্যবস্থা অন্তর্ভুক্ত করে, এবং গর্ভপাত সেবাদানকারী এবং প্রজনন সংক্রান্ত স্বাস্থ্যসেবার সমর্থনে 100.7 মিলিয়ন মার্কিন ডলার নতুন তহবিল বরাদ্দ করে।

"যখন অ্যান্টি-চয়েস চরমপন্থী এবং বিচারকেরা দেশব্যাপী গর্ভপাতের অধিকারকে পিছিয়ে দিচ্ছে, আমরা তখন নিউ ইয়র্কে এর বিরুদ্ধে লড়াই করছি," **গভর্নর হোকল বলেন।** "এই উদ্যোগসমূহ ও অর্থায়ন স্টেটব্যাপী গর্ভপাত পাওয়ার সুযোগ বৃদ্ধি করবে, প্রজনন সংক্রান্ত স্বাস্থ্য সেবাসন্ধানী নারীদের সুরক্ষা প্রদান করবে এবং গর্ভপাতের ওষুধের উপলভ্যতা সম্প্রসারণ করবে। আমার নজরাধীনে নিউ ইয়র্ক যাতে সেবার প্রয়োজন থাকা সকলের জন্য একটি নিরাপদ আশ্রয় হয়ে থাকে তা নিশ্চিত করা আমি অব্যাহত রাখবো।"

নিউ ইয়র্কে যাতে গর্ভপাত পাওয়ার সুযোগের সবথেকে বর্ধিত সুরক্ষাগুলির একটি অব্যাহত থাকে তা নিশ্চিত করতে এবং এইসব অতি গুরুত্বপূর্ণ সেবা সংরক্ষণ করতে, 2024 অর্থবছরের

বাজেটে প্রজনন সংক্রান্ত স্বাস্থ্য সেবাদানকারীদের জন্য মেডিকেইড ব্যয়পূরণের হার বৃদ্ধি করা হয়েছে।

ব্যক্তিগত ডেটা নিরাপদ রাখার জন্য বাজেট এমন সুরক্ষা প্রণয়ন করে যা স্টেটের বাইরের আইন শৃঙ্খলা রক্ষাকারী বাহিনী, যারা নিউ ইয়র্ক স্টেটে বৈধ এমন গর্ভপাত প্রক্রিয়া নিয়ে তদন্ত করে, তাদের কাছে তথ্য প্রদান করা থেকে নিউ ইয়র্ক স্টেটে সদর দপ্তর বা ইনকর্পোরেট করা কোম্পানিগুলিকে প্রতিহত করবে। এছাড়াও যেকোনও স্বাস্থ্যসেবা ফ্যাসিলিটিতে জিওফেন্সিং ব্যবহার করার মাধ্যমে কোনও ব্যবহারকারীকে ইলেক্ট্রনিক উপায়ে কোনও ডিজিটাল বিজ্ঞাপন প্রেরণ করা কর্পোরেশন এবং সংগঠনগুলির জন্য নিষিদ্ধ।

ওষুধের মাধ্যমে গর্ভপাত পাওয়ার সুযোগ বৃদ্ধি করার জন্য, বাজেটে একটি ব্যবস্থা রয়েছে যা খাদ্য ও ওষুধ প্রশাসন (Food and Drug Administration, FDA) অনুমোদন নির্বিশেষে স্বীকৃত গর্ভপাতের ওষুধকে এবং প্রেসক্রাইব করা অফ-লেবেল গর্ভপাতকে বেসরকারি বীমাকারীদের আওতাধীন করা আবশ্যিক করে। এই ব্যবস্থা এছাড়া নিশ্চিত করে যাতে কোনও সেবাদানকারীকে অফ-লেবেল বা FDA অনুমোদনবিহীন ওষুধ প্রেসক্রাইব করার জন্য ভুল চিকিৎসার আওতায় বর্ধিত হার দিতে না হয় বা বীমার আওতা হারাতে না হয়।

2024 অর্থবছরের বাজেটে এছাড়া গর্ভপাত সেবাদানকারী ও প্রজনন সংক্রান্ত স্বাস্থ্যের জন্য 100.7 মিলিয়ন মার্কিন ডলার নতুন তহবিল রয়েছে:

- অতিরিক্ত সমর্থন গর্ভপাত অ্যাক্সেস সেবার পুনরাবৃত্ত সমর্থনের (Support Abortion Access Services) জন্য 25 মিলিয়ন মার্কিন ডলার
- প্রজনন সংক্রান্ত স্বাস্থ্য কেন্দ্রসমূহের (Reproductive Health Centers) জন্য 10 মিলিয়ন মার্কিন ডলার নিরাপত্তা অনুদান (এককালীন)
- 65.8 মিলিয়ন মার্কিন ডলার অতিরিক্ত মেডিকেইড ব্যয়পূরণ (14.1 মিলিয়ন মার্কিন ডলার স্টেট শেয়ার):
  - সার্জিক্যাল গর্ভপাত ব্যয়পূরণের জন্য 14.9 মিলিয়ন মার্কিন ডলার
  - পরিবার পরিকল্পনার ব্যয়পূরণের জন্য 35.2 মিলিয়ন মার্কিন ডলার
  - ফার্মাসিস্টের প্রেসক্রাইব করা জন্মনিরোধকের জন্য 15.6 মিলিয়ন মার্কিন ডলার

গত বছর মার্কিন যুক্তরাষ্ট্রের সুপ্রিম কোর্ট (United States Supreme Court) *ডবসের* সিদ্ধান্ত বদলে দিয়ে, কয়েক মিলিয়ন মানুষের প্রজনন সংক্রান্ত অধিকার কেড়ে নেওয়ার পর থেকেই গভর্নর হোকল গর্ভপাত সেবাসন্ধানী সকলের জন্য উপলভ্যতা নিশ্চিত করার লড়াইয়ে নেতৃত্ব দিয়েছেন। গর্ভপাত সেবার সমর্থনে দেশের মধ্যে সর্বোচ্চ 35 মিলিয়ন মার্কিন ডলার তহবিল গঠন করার পাশাপাশি, গভর্নর হোকল সেবাদানকারী ও রোগীদের সুরক্ষিত রাখতে ও তাদের সমর্থন করতে [ছয়টি নতুন দেশের সেরা আইন](#) পাশ করার জন্য আইনসভার সাথে কাজ করেছেন।

এর পূর্বে এই সপ্তাহে গভর্নর হোকল ওভার দ্য কাউন্টার হরমোনাল জন্মনিরোধক পাওয়ার সুযোগ সম্প্রসারণ করবে এবং প্রত্যেক নিউ ইয়র্ক সিটি ইউনিভার্সিটির (City University of New

York, CUNY) ও নিউ ইয়র্ক স্টেট ইউনিভার্সিটি (State University of New York, SUNY) শিক্ষার্থীর জন্য ক্যাম্পাসে ওষুধের মাধ্যমে গর্ভপাত পাওয়ার সুযোগ নিশ্চিত করবে [বিধিমালার এমন একটি প্যাকেজে](#) স্বাক্ষর করেছেন। গত মাসে, গভর্নর হোকল [ঘোষণা করেন](#) যে গর্ভপাত পাওয়ার সুযোগ রক্ষা করতে চলমান প্রয়াসের অংশ হিসেবে স্টেট গর্ভপাতের ওষুধ মাইসোপ্রোস্টল মজুদ করবে। গভর্নরের নির্দেশে, নিউ ইয়র্ক স্টেটের স্বাস্থ্য বিভাগ (New York State Department of Health) অবিলম্বে প্রত্যাশিত চাহিদা পূরণ করতে পাঁচ বছরের সরবরাহের জন্য 150,000 ডোজ মজুদ করার জন্য মাইসোপ্রোস্টল ক্রয় শুরু করবে। এছাড়া গভর্নর হোকল ঘোষণা করেন যে যদি বাজার থেকে গর্ভপাতের ওষুধ মাইসোপ্রোস্টল উঠিয়ে নেওয়া হয় তাহলে সেবার অন্যান্য পদ্ধতি পাওয়ার সুযোগ সমর্থনের জন্য সেবাদানকারীদেরকে অতিরিক্ত 20 মিলিয়ন মার্কিন ডলার প্রদান করার প্রতিশ্রুতি স্টেট গ্রহণ করবে।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418